



食盛好白淨飯滿鉢施佛亦時弗那恒以耕種爲業時耕種訖還歸于家後於一日出到田中見其田中所生苗稼變成金禾皆長數尺收刈已盡還生如初國王聞之亦來收刈不能得盡如是一切諸來取者皆不能盡兄等念言我弟弗那爲得生活爲貧苦耶尋共

來看見弟福業踰於國王便語弟言汝先貧窮云何卒富答言我見瞿曇施一鉢飯得如是報四兄聞已歡喜踊躍又語弟言亦今爲我作歡喜團我等四人各持一團供養瞿曇願求生天不聽其法不用解脫於是各擔歡喜團往至佛所大兄捉一團著佛鉢中佛言

諸行無常第二復以歡喜團著佛鉢中佛作是語是生滅法第三復以歡喜之團著佛鉢裏佛作是語生滅滅已第四復以歡喜之團著佛鉢中佛作是語寂滅爲樂即歸還家至寂靜處共相問言汝聞何語第一兄言我聞諸行無常次者復聞是生滅法又次者聞生

滅滅已第四者聞寂滅爲樂兄弟四人各思此偈得阿那含皆來佛所求爲出家得阿羅漢道

雜寶藏經大愛道施佛金織成衣并穿珠師緣第七十二

昔佛在卅大愛道爲佛作金縷織成衣賣來上佛佛即語言用施衆僧大愛道言我以乳哺長養卅尊自作此衣故來奉佛必望如來爲我受之云何方言與衆僧也佛言欲使姨母得大功德所以者何衆僧福田廣大無邊是故勸令若隨我語已供養佛時大愛道即持此衣往到僧中從上座行無敢取者次到彌勒彌勒受衣即著入城乞食彌勒身有三十二相紫磨金色既到城裏衆人競看無與食者有一穿珠師見諸人等無與食者即前跪請將至家中與彌勒食彌勒食訖時穿珠師以小座敷彌勒前求欲聽法彌勒有四辯才力即便爲說種種妙法時穿珠師願聽樂

鷲五

二

聞無有馱足先有長者將欲嫁女雇穿珠師  
穿一寶珠與錢十萬當此之時彼嫁女家遣  
人索珠時穿珠師聽法情濃不暇為穿即答  
之言且可小待須臾之頃已復來索乃至三  
反猶故不得彼長者瞋合其珠錢還來奪去  
穿珠師婦瞋其夫言更無業也須臾穿珠得  
十萬利云何聽此道人美說其夫聞已意中  
恨恨介時弥勒知其恨恨即問之言汝能隨  
我至寺以不答言我能即隨弥勒往僧坊中  
問上座言有人得金滿十萬斤何如歡喜聽  
人說法憍陳如言假使有人得金十萬不如  
有人以一鉢食施持戒人況能信心須臾聽  
法復勝於彼百千万倍於是又問第二上座  
上座答言設復有人得十萬車金亦不如以  
一鉢之食施持戒者況復聽法歡喜經於時  
節又復問於第三上座答言若有人得  
十萬舍金亦復不如施持戒人一鉢之食況  
復聽法又問第四上座答言若其有得

十萬國金亦復不如施持戒人一鉢之食況  
復聽法百千万倍如是次問乃至阿那律阿  
那律言有人得滿四天下金猶故不如施持  
戒人一食之食況復聽法弥勒問言尊者說  
言有施比丘一鉢之食乃至勝得滿四天下  
金云何如是尊者答言以自身為證憶念往  
昔九十億劫有一長者有其二子一名利吒  
二名阿利吒恒告之言高者亦墮常者亦盡  
夫生有死合會有離長者得病臨命終時約  
勅兒子慎莫分居譬如一絲不能係象多集  
諸絲象不能絕兄弟并立亦如然多時彼長  
者囑誡子竟氣絕命終以父勅故兄弟共活  
極相敬念後為弟娶生活未幾而此弟婦語  
其夫言汝如彼奴所以者何錢財用度應當  
人客皆由汝兄汝今唯得衣食而已非奴如  
何數作此語介時夫婦心生變異求兄分居  
兄語弟言汝不憶父臨終之言猶不自改數  
求分居兄見弟意正便與分居一切所有皆

警五

三

中半分弟之夫婦年少遊逸用度奢侈未經幾時貧窮困匱來從兄乞兄於今時與錢十萬得去未久以復用盡而更來索如是六反皆與十萬至第七反兄便責數汝不念父臨終之言求於分異不能乃心生活數來索物今更與汝十萬之錢從今已往不好生活重復來索更不與汝得是苦語夫婦二人用心生活以漸得富兄財喪失以漸貧窮來從弟乞其弟乃至不讓兄食而作是言謂兄常富亦復貧也我昔從兄有所乞索苦切見責今日何故來從我索兄聞此已極生憂惱自作念言同生兄弟猶尚如此況於外人獸惡生死遂不還家入山學道精勤苦行得辟支佛其弟後亦以漸貧窮遭世飢饉賣薪自活時辟支佛入城乞食竟無所得空鉢還出時賣薪人見辟支佛空鉢出城即以賣薪所得裨赴而欲與之語辟支佛言尊者能食鹿惡食不答言不問好惡趣得支身時賣薪人即便

授與辟支佛受而食之食訖之後飛騰虛空作十八變即還所止時賣薪人後更取薪道見一兔以杖撩之變成死人卒起而來抱取薪人項彼取薪人種種方便欲推令去不能得離脫衣雀人使挽却之亦不得離展轉至闇負來向家既到家中死人自解墮在於地

鴛鴦五

四

作真金人時賣薪人即便截却金人之頭頭尋還生却其手脚手脚還生須臾之間金頭金手滿其屋裏積為大積隣比告官此貧窮人屋裏自然有此金積王聞遣使往覆檢之既到屋裏純見爛臭死人手足頭其人自捉金頭來以上王便是真金王大歡喜此是福人即封聚落從是命終生第二天為天帝釋下生人中為轉輪聖王天王人王九十一劫不曾斷絕今最後身生於釋種初生之日三十里中伏藏珍寶自然踊出後漸長大兄釋摩男父母偏愛阿那律母欲試諸兒時遣語無食阿那律言但擔無食來即與空器時空

器中百味飲食自然盈滿設以四天下金用  
 為乳哺不足一劫況九十一劫常受快樂所  
 以我今得此自然飲食適由先身施此一鉢  
 之食今得此報上至諸佛下至梵天淨持戒  
 者皆名持戒時穿珠師聞是語已心大歡喜  
 帝釋問事緣第七十三

如是我聞一時佛在摩竭提國王舍城南有  
 婆羅門聚落名菴婆羅林此聚落北毗提醯  
 山石窟之中亦時帝釋聞佛在彼即告繫闍  
 識企捷闍婆王子言摩竭提國婆羅門聚落  
 名菴婆羅林此聚落北有毗提醯山世尊在  
 中今與汝等可共詣彼繫闍識企捷闍婆王

驚五

五

子答言唯然此事最善歡喜樂聞即挾琉璃  
 琴從於帝釋往於佛所亦時諸天聞帝釋共  
 捷闍婆王子等欲往佛所各自莊嚴隨從帝  
 釋於天上沒即至毗提醯山亦時山中光明  
 照耀近彼仙人皆謂火光帝釋即告捷闍婆  
 王子言此處清淨遠離諸惡阿練若處安隱

坐禪當今佛邊多饒尊勝諸天側塞滿其左  
 右我等今者云何而得奉見世尊帝釋即告  
 捷闍婆王子汝可為我往向佛所通我等意  
 欲得覲問捷闍婆王子受教即往不遠不近  
 瞻仰尊顏援琴而彈使佛得聞作偈頌曰  
 欲心生戀著 如象沒淤泥 亦如象狂走

非鉤之所制 譬如阿羅漢 戀慕於妙法

亦如我貪色 恭敬禮其父 由生貴勝處

情倍生愛樂

極能生長我之愛 如似熱汗遇涼風

亦如極渴得冷飲 汝之容體甚可怖

猶如羅漢愛樂法 亦如病者得好藥

如彼飢者得美食 疾以清涼滅我熱

今我貪尚欲馳奔 如捉我心不得去

佛言善哉繫闍識企今作此聲絃管相諧汝  
 於近遠而造歌頌即白佛言我於往時遇一  
 賢女名修利婆折斯是捷闍婆王珍浮樓女  
 摩多羅天子名識騫雅先求彼女我時悅愛

即於其所而說斯偈我今佛前重說本偈帝釋念言佛以從定覺今與槃闍識企言說帝釋復語企言汝今稱我名頂禮佛足問訊世尊少病少惱起居輕利飲食調適氣力安樂無諸惡不安樂任不即報言諾受帝釋教重詣佛所稱帝釋名即禮佛足以帝釋語問訊

世尊佛言帝釋及諸天皆安樂不重白佛言世尊帝釋及三十三天欲得見佛聽來見不佛言今正是時帝釋及三十三天聞佛教已即至佛所頂禮佛足在一面立白佛言世尊當何處坐佛言坐此座上白佛言此窟極小天眾極多作是語已見石窟廣博佛威神力

摩五

六

多所容受帝釋即禮佛足在前而坐白佛言我於長夜常欲見佛欲得聞法我於往時佛在舍衛國入火光三昧當於尔時有毗沙門侍女名步闍拔提步闍拔提合掌向佛我時語彼毗沙門侍女言佛今在定我不敢亂為我頂禮世尊之足稱我問訊彼女以帝釋語

禮拜問訊佛語帝釋言我於尔時聞汝輩聲不久從定而起帝釋白佛言我昔從宿舊所聞如來阿羅訶三藐三佛陀出現世間諸天眾增長阿須羅眾減少今日我親自生天諸天眾增長阿須羅減少我今見佛弟子得生天上者三事勝於諸天壽命勝光色勝名勝

時具毗耶寶女生忉利天先是佛弟子為帝釋作子名渠或天子復有三比丘立於佛前修行梵行心未離欲身壞命終生捷闍婆家日三時為諸天作使渠或天子見是三人而作給使即言我心不喜不忍我昔先在於人中時而彼三人恒至我家受我供養今日為諸天給使我不忍見此三天者本是佛之聲聞弟子我本為人時受我恭敬供養飲食衣服今日下賤汝等從佛口聞法為佛所開解云何生此鄙陋之處我先奉事供養於汝而我從佛聞法修施戒信因緣故得為帝釋子有大威德勢力自在諸天皆名我為渠或汝

摩五

七

得佛勝法云何不能勤心修行生此賤處我  
今不忍見此惡事如是之事我不喜見云何  
同一法中生此下賤是佛弟子所不應生處  
渠或天子作是譏論此三人等深自慙愧生  
厭惡心合掌語渠或言如天子所說實是我  
過今當除斷如此欲惡即勤精進修於定慧

三人念瞿曇之法見欲過患即斷欲結譬如  
大象絕於羈絆斷其貪欲亦復如是帝釋并  
一商那天及餘諸天眾護世四天王皆來就  
此坐此三斷欲者即於諸天前飛騰虛空中  
帝釋白佛此三人為得何法能作此種種神  
變來見世尊欲問彼所得佛言此三人既捨

彼處得生於梵世唯願世尊為我說彼生梵  
天法善哉賢帝釋分別問所疑時佛作是念  
帝釋無諂偽真實問所疑不為惱亂我若汝  
之所問我當分別說帝釋問佛是何結使能  
繫縛人天龍夜叉乾闥婆阿脩羅迦樓羅摩  
睺羅伽佛時答曰貪嫉二結使繫縛人天阿

修羅乾闥婆等并與一切類皆為貪嫉自縛  
此事實尔天中天貪嫉因緣能縛一切我今  
從佛聞解此義疑網即除深生歡喜更問餘  
義貪嫉因何而生何因何緣得生貪嫉何因  
緣生何因緣滅憍尸迦貪嫉因憎愛生憎愛  
為緣有憎愛必有貪嫉無憎愛貪嫉則滅實

尔天中天我今從佛聞解此義疑網即除深  
生歡喜更問餘義愛憎何因緣生何因緣滅  
答曰愛憎從欲而生無欲則滅實尔天中天  
我從佛聞信解此義疑網即除深生歡喜更  
問餘義欲從何因生何緣增長云何得滅佛  
言欲因覺觀生緣覺觀增長有覺觀則有欲

無覺觀欲則滅實尔天中天我今從佛聞解  
此義疑網即除深生歡喜更問餘義覺觀因  
何而生何緣增長云何而滅覺觀從調戲生  
緣調戲增長無調戲覺觀則滅實尔天中天  
我今從佛聞解此義疑網即除深生歡喜更  
問餘義調戲因何生長云何而滅調戲佛告

憍尸迦欲滅調戲當修八正道正見正業正語正命正方便正念正志正定帝釋聞已白佛言實尔天中天調戲實由八正道而滅我今從佛得聞此義疑網即除帝釋歡喜復問餘義欲滅調戲能修八正道此八正道比丘復因何法而得增長佛言復有三法一者欲

二者正勤三者多習攝心帝釋言實尔天中天我等聞此義疑網即除比丘能修行正道分實自因此三事增長聞已歡喜帝釋復問比丘欲滅調戲當學幾法佛言當學三法當學增盛戒心當學增盛定心當學增盛智慧心帝釋聞已實尔天中天我聞此義疑網得除踊躍歡喜復問餘義欲滅調戲當解幾義我聞佛言當解六義一眼識色二耳識聲三鼻識香四舌識味五身識細滑六意識諸法帝釋聞已實尔天中天我聞此義疑網得除歡喜踊躍復問餘義一切衆生皆同一貪一欲一向一趣佛言帝釋一切衆生亦不一貪

一欲一向一趣衆生無量世界無量意欲趣向殊別不同各執所見帝釋聞已實尔天中天我聞此義疑網得除歡喜踊躍更問餘義一切沙門婆羅門盡得一究竟不得一無垢不得一究竟梵行不佛言一切沙門婆羅門不能盡得一究竟一無垢亦不得一究竟梵

驚五

九

行若有沙門婆羅門得無上斷滅愛結解脫得正解脫者此乃盡得一究竟一無垢一究竟剋猶煩惱所說無上斷滅愛結解脫得正解脫者此乃盡得一究竟一無垢一究竟梵行今從佛聞便解此義得了此法得度疑彼岸得拔諸見毒箭已除我見心不退轉說是經時帝釋及八万四千諸天遠塵離垢得法眼淨佛言憍尸迦汝頗曾以此問問沙門婆羅門不世尊我憶昔時曾共諸天集善法堂問於諸天有佛出世未諸天各言未有佛出諸天聞佛未出於世各自罷散諸大威德天福盡命終我時恐怖見有沙門婆羅門在閑

靜處便到其所彼沙門婆羅門問我是誰我言是帝釋我不禮彼彼逆禮我我亦未問彼彼問於我知其無智是故我不歸依於彼我今從此歸依於佛為佛弟子即說偈言

我先常懷疑 意想不滿足 長夜求智慧 分別如是疑 推覓於如來 見諸閑靜處

沙門婆羅門 意謂是世尊 即往到其所 禮敬而問訊 我作是問言 云何修正道

彼諸沙門等 不解道非道 我今覩世尊 疑網悉皆斷 今日便有佛 世尊大論師

破壞降魔怨 盡煩惱最勝 世尊出於世 希有無與等 於諸天魔眾 無有如佛者

世尊我得須陀洹婆伽婆我得須陀洹世尊告言善哉善哉憍尸迦若汝不放逸當得斯陀舍佛語帝釋汝於何處得是不壞信帝釋白言我於是處世尊邊得我即於此更得天壽命唯願覺了憶持此事帝釋言世尊我今作是念得生人中豪貴之處眾事備足即於

其中捨俗出家歸向聖道若得涅槃甚為大好若不得者生淨居天今時帝釋集諸天眾尋即告言我於三時供養梵天自今已後止不為此當於三時供養世尊今時帝釋告槃闍識企軋闍婆子言汝今於我其恩甚重汝能覺悟佛世尊故使我得見聞於深法我還

驚五

十

天上當以珍淨樓女賢修利婆折斯為汝作妻復當使卿代其父處作軋闍婆王今時帝釋將諸天眾遶佛三匝却行而去至於靜處皆三稱言南無佛陀便還天上帝釋去不久梵天王作是念言帝釋已去我今當往至佛所如似壯士屈伸臂頃即至佛所禮佛足已在一面坐梵天光明遍照毗提醯山今時梵天即說偈言

多所利益 顯現此義 舍脂液地 磨迦婆 周帀皆賢 能作問難 婆莎婆 重說帝釋所問即還天上佛於晨朝告諸比丘言梵天王昨日來至我所說言上偈已即

還天上佛說是語已諸比丘歡喜敬禮佛足而去

度阿若憍陳如等說往日緣第七十四

佛在王舍城說法度阿若憍陳如釋提桓因頻婆娑羅王各將八万四千衆而悉得道諸比丘疑恠各有小許人拔三惡道佛言非但

今日於往昔時亦曾濟拔諸比丘言過去濟拔其事云何佛言過去世時有諸商賈人入海採寶還來中路於大曠野值一蟒蛇其身舉高六旬樓舍遶諸商賈四邊周而無出入處時諸商人極懷驚怖各皆唱言天神地神有慈悲者拔濟我等時有白象共師子爲伴

卷五

七

師子跳往壞蟒蛇腦令諸商人得脫大難亦時蟒蛇便以口中毒氣害於師子及以白象命由未斷賈客語言汝拔濟我欲求何願答言唯願求作佛度一切人諸商人言汝若得佛願我等輩最在初會聞法得道師子白象即便命終商人燒之以骨起塔佛言欲知亦

時師子者我身是也亦時白象者舍利弗是亦時商主憍陳如是帝釋頻婆娑羅王是亦時諸商衆者今得道諸夫人是也

雜寶藏經卷第七十五

如是我聞一時佛在釋氏園亦時車頭城中有釋種名曰婆摩淨信於佛淨信於法淨信於僧皈依於佛皈依於法皈依於僧一向於佛一向於法一向於僧於佛無疑於法無疑於僧無疑於苦諦無疑於集諦無疑於滅諦無疑於道諦無疑以得見諦獲得道果如須陀洹所知見事悉得知見於三菩提不過期限必定得之婆摩釋子以患眼故有種種色不得見之婆摩釋子即念世尊南無與眼者南無與明者南無除闇者南無執炬者南無婆伽婆南無善逝佛以淨天耳過於人耳聞其音聲語阿難言汝去今以章句擁護婆摩釋爲作救作守作牧滅除災患爲四衆作利

作益作安樂任尔時世尊為差摩釋說淨眼  
修多羅 多折他施利弥利棄利醯醢多  
以此淨眼呪使差摩釋眼得清淨眼膜得除  
若是風翳若是熱翳若是陰翳若是等分翳  
莫燒莫煮莫腫莫痛莫痒莫流淚戒實苦行  
實仙實天實藥實呪句實因緣實苦實集實

滅實道實阿羅漢實辟支佛實菩薩實如是  
稱差摩釋名餘人亦如是稱名使得眼淨得  
眼淨已使闇除使膜除若是風翳若熱翳若  
是冷翳若等分翳莫燒莫煮莫腫莫痛莫痒  
莫流淚阿難如是章句如是六佛世尊我今  
第七亦作是說四天王亦說是呪帝釋亦說

敬寫五

十一

梵王并諸梵眾亦隨歡喜阿難我不見若天  
若人若魔若梵若沙門眾若婆羅門眾若人  
若天三說是章句若翳若闇若膜若腫若眼  
青若眼中淚出若是天作若是龍作若是夜  
叉作若阿修羅作若究槃荼作或餓鬼作或  
毗舍作或毒所作或惡呪作或蠱道作或毗

陀羅呪作或是惡星作或諸宿作阿難即到  
為差摩釋三說是呪眼淨如本得見諸色以  
此呪隨稱人名字如差摩釋皆得除闇除膜  
風熱冷及等分莫燒莫煮莫腫莫痛莫痒莫  
流淚南無婆伽婆南無多他阿伽陀阿羅呵  
三藐三佛陀菩薩以此神呪章句一切皆得

吉成諸梵隨喜娑訶

七種施因緣第七十六

佛說有七種施不損財物獲大果報一名眼  
施常以好眼視父母師長沙門婆羅門不以  
惡眼名為眼施捨身受身得清淨眼未來成  
佛得天眼佛眼是名第一果報二名和顏悅

色施於父母師長沙門婆羅門不輦蹙惡色  
捨身受身得端正色未來成佛得真金色是  
名第二果報三名言辭施於父母師長沙門  
婆羅門出惡語非鹿惡言捨身受身得言語  
辯了所可言說為人信受未來成佛得四辯  
才是名第三果報四名身施於父母師長沙

敬寫五

十三

門婆羅門起迎禮拜是名身施捨身受身得端正身長大之身人所敬身未來成佛身如尼拘陀樹無見頂者是名第四果報五名心施雖以上事供養心不和善不名為施善心和善深生供養是名心施捨身受身得明了心不癡狂心未來成佛得一切種智心是名心施第五果報六名牀座施若見父母師長沙門婆羅門為敷牀座令坐乃至自以已所自座請使令坐捨身受身常得尊貴七寶牀座未來成佛得師子法座是名第六果報七名房舍施前父母師長沙門婆羅門使屋舍之中得行來坐卧即名房舍施捨身受身得自然宮殿舍宅未來成佛得諸禪屋宅是名第七果報是名七施雖不損財物獲大果報迦步王國天旱洽佛得兩緣第七十七

若種少善於良福田後必獲報如往古昔無量無邊阿僧祇劫尔時有王名曰迦步統領閻浮提內八万四千國土王有二万夫人然

無子息禱祠神祇經歷多年最大夫人而生太子字曰栴檀為轉輪王領四天下馱惡出家得成正覺時彼國中諸相師等咸言大旱應十二年作何方計禳却此災尋共議言我等今者應造金瓶置于市上盛滿香水以用浴佛分布香水而起塔廟可得除災即請如

來香水澡浴分取世尊洗浴之餘作八万四千寶瓶分與八万四千諸國仰造塔廟供養作福以造塔廟作福因緣天即大雨五穀豐熟人民安樂時有一人見是塔廟心生歡喜即以一把華散于塔上獲大善報佛言我以佛眼觀彼久遠栴檀如來香水塔廟受彼化者皆久成佛入於涅槃一把華施者我身是也我往日有是因緣今於末後自致成佛是故行者應當勤心作諸功德莫於小善生下劣想

長者請舍利弗摩訶羅因緣第七十八

昔舍衛城中有大長者其家巨富財寶無量

譬五

十四

常於僧次而請沙門就家供養。今時僧次。舍利弗及摩訶羅至長者家。長者見已。甚大歡喜。當千時日。入海估客。大獲珍寶。安隱歸家。時彼國王。分賜聚落。封與長者。其妻懷妊。復生男兒。諸歡慶事。同時集會。舍利弗等。既入其家。受長者供飯食。已訖。長者行水在尊。

者前敷小牀坐。舍利弗呪願而言。今日良時。得好報財利樂事。一切集踊躍歡喜。心悅樂。信心踊發。念十力。如似今日。後常然。長者。今時聞呪願。已心大歡喜。即以上妙好甃二張。施舍利弗。然摩訶羅獨不施。與時摩訶羅還。寺惆悵。作是念言。今舍利弗所以得者。正由呪願。適長者意。故獲是施。我今應當求。是呪願。即語舍利弗言。向者呪願。願授與我。即答之言。此呪願者。不可常用。有可用時。有不可用時。摩訶羅慙求。請願必授。我舍利弗。不免其意。即授呪願。既蒙教授。尋即讀誦。極令通利。作是思惟。我當何時。次第及我得為上。

座用此呪願時。因僧次到長者家。得作上座。時彼長者估客。入海亡失珍寶。長者之婦。遭羅官事。兒復死。摩而摩訶羅說本呪願言。後常然。今時長者。既聞是語。心懷忿恚。尋即驅打。推令出門。被瞋打。已情甚懊惱。即入王田。胡麻地中。踰踐胡麻。苗稼摧折。守胡麻者。瞋

驚五

十五

其如是。復加鞭打。極令勞辱。時摩訶羅。連被打。已過問打者言。我有何愆。見打。乃今時守麻者。具說踐踰胡麻之狀。示其道。處涉路前。進未經幾里。值他刈麥。積而為積。時彼俗法。遶積右旋。施設飲食。以求豐壤。若左旋者。以為不吉。時摩訶羅。遶積左旋。麥主忿之。復加打。打棒時。摩訶羅復問之言。我有何罪。橫加打棒。麥主答言。汝遶麥積。何不右旋。呪言多入。違我法。故是以打汝。即示其道。小復前行。逢有壘埋。遶他塚壙。如向麥積。呪願之言。多入。多入喪主。忿之。復捉搦打。而語言。汝見死者。應當愍言。自今已後。更莫如是。云何反言多。

入多入摩訶羅言自今已往當如汝語又復前行見他嫁娶如送葬者之所教言自今已後莫復如是嫁娶者瞋其如是復加笞打乃至頭破遂復前進被打在走值他捕鴈驚恠悻惶觸他羅網由是之故驚散他鴈獵師瞋恚復捉撈打時摩訶羅被打困熟語獵師言

我從道行數被躓頓精神失錯行步躁疾觸君羅網願見寬放令我前進獵師荅言汝極鹿踈俯偃乃尔何不安徐匍匐而行即前著道如獵師語匍匐而行復於道中遇浣衣者見其肘行謂欲偷衣即時微捉復加打棒時摩訶羅既遭困急具陳上事得蒙放捨至於

祇桓語諸比丘我於先日誦舍利弗呪願得大苦惱自說被打膚體毀破幾失身命諸比丘將摩訶羅詣於佛邊具說其人被打因由佛言此摩訶羅不但今日有是因緣乃至昔日有國王女遭遇疾患太史占之須詣塚間為其解除時國王女即將導從往詣塚間于

時道行有二估客見國王女侍從嚴飾心懷懼畏走至塚間其一人者即為王女侍從之人割截耳鼻其一人者得急驚怖死屍中伏詐現死相今時王女將欲解除選新死人膚未爛者坐上澡浴以療所患時遣人看正值估客以手觸之其體尚更謂為新死即以芥

驚五

十六

末塗身在上洗浴芥末辛氣入估客鼻雖欲自持不能禁制即便大嚏欬然而起時侍從者謂起尸鬼或能為我作諸災戾閉門距逆王女得急急捉不放于時估客以實告言我實非鬼王女即時與彼估客俱往詣城喚開城門具陳情實時女父國王雖聞其言猶懷不信莊嚴兵仗啓門就看方知非鬼時父王言女人之體形不再現即以其女而用妻之估客歡喜慶遇無量佛言今時估客得王女者舍利弗是割截耳鼻者摩訶羅是宿緣如此非但今日自今已後諸比丘等若欲說法呪願當解時宜應修習布施持戒忍辱精進

禪定智慧憂悲喜樂宜知是時及以非時不得妄說

雜寶藏經卷第五

驚五

收刈計下魚反暇音夏反係計音後反企丘反螭蛇反 釋下尺小反 擦之召反 企丘反 螭蛇反

騫雅上直去利反 騫雅上直去利反 騫雅上直去利反

帝下音 欬然上許反 戾栗帝反

雜寶藏經卷第五

驚五

雜寶藏經卷第六

驚六

元魏沙門吉迦夜共曇摩譯

婆羅門以如意珠施出家得道緣第七十九

佛在舍衛國介時南天竺有一婆羅門善別

如意珠持一如意珠從南天竺至東天竺遍

諸國土無能別者如是次第至舍衛國到波

斯匿王所而作是言誰能分別識此珠者彼

斯匿王集諸群臣一切智人無能識者波斯

匿王共至佛邊佛語婆羅門言汝識珠名字

不知珠生出處不知珠力耐不答言悉知佛

言此珠摩竭大魚腦中出魚身長二十八万

里此珠名曰金剛堅也有第一力耐使一切

被毒之人見悉消滅又見光觸身亦復消毒

第二力者熱病之人見則除愈光觸其身亦

復得瘳第三力者人有無量百千怨家捉此

珠者悉得親善時婆羅門聞此語已甚用歡

喜如來真實一切智人即以此珠奉上於佛

而求出家佛言善來比丘鬚髮自落法服著

而求出家佛言善來比丘鬚髮自落法服著